



Gabinete Wever - Croes II

ISLAONLINE


Noticia di Gobierno

2023

Diaranson 12 Juli 2023

Email: IslaOnline@gobierno.aw Tel: 528-4952

2023
AÑA DI



UNION
Y POSITIVISMO!



@IslaOnline2023



Evelyn Wever-Croes
PROME MINISTER

PROME MINISTER TA FELICITA TUR 8 STUDIANTE DI EDUCAMPUS CU A GRADUA

"Masha pabien na cada un di boso. Corda semper pa sigui siña, sigui innova, y sigui inspira"



Diasabra ultimo, Prome Minister Evelyn Wever-Croes a atende e ceremonia di graduacion di Educampus na Fort Zoutman. Educampus ta un scol completamente "online" cu ta prepara hobennan pa siglo 21. Cada semester (6 luna), nan tin un ceremonia di graduacion pa e studiantenan, y e biaha aki un total di 8 estudiante a gradua y lo ta biahando pa Hulanda pa asina sigui nan estudio den e ramo cu nan ta desea.

E anochi tabata uno ameno, na unda e 8 studiantenan aki a haya nan certificado den presencia di nan famia. Prome Minister a duna un discurso, felicitando cada un di nan cu e gran logro aki. Un felicitacion special a bay pa Hulda Lovius cu a saca e GPA di 3.6 cual ta esun di mas halto entre e graduadonan.

Tambe, durante su discurso, Prome Minister a expresa e importancia cu innovacion tin pa su persona y pa educacion en general. El a splica cu innovacion combina cu educacion, tin e potencial pa kibra barera, crea oportunidadnan nobo cu lo forma e futuro di nos sociedad. Unabes cu inclui innovacion den enseñansa, nos ta preparando e muchanan y dunando nan e materialnan necesario pa prospera den futuro.



"Masha pabien na cada un di boso. Corda semper pa sigui siña, sigui innova, y sigui inspira. Mi ta desea boso hopi exito den futuro y mi ta sigur cu cada un di boso lo logra cosnan grandi, haciendo nos hopi orguyoso", Prome Minister a expresa.



POTRETNAN DI STUDIANTE
DI EDUCAMPUS CU A GRADUA





Xiomara Maduro
MINISTER

Minister Xiomara Maduro na e studiantenan di Universidad di Aruba cu a logra nan propedeuse:

BRASA E FUTURO Y CORDA CU ESAKI TA E COMIENSO

Sigui haci nos orguyoso y hopi exito den boso estudio

Recientemente Minister Maduro di Finansa tabata presente na e ceremonia di entrega di diploma di propedeuse di e Facultad Financiero Economico di Universidad di Aruba (FEF) pa hiba palabra na e ocasion special aki pa e studiantenan cu a caba nan promer aña di estudio cu exito.

Den su discurso Minister Maduro a reconoce e dedicacion y perseverancia cu cada un di e studiantenan a demostra pa completa cu exito nan promer aña di estudio, cu ta e fundeshi den nan biahe academico. "E inicio exitoso aki ta un testimonio di e capacidad di e studiantenan pa siña, adapta, persevera y supera retonan. Nos ta celebra e conocimiento cu a wordo adkiri y tambe e resiliencia cu a wordo demostra. E nochinan laat di estudio, e examennan intenso y investigacionnan di un cantidad di proyectonan, e debatenan intelectual, cada reto supera, cada adversidad konkista, a converti cada estudiante den e academiconan prometedor cu cada uno ta awe. E sacrificionan haci, e fiestanan cu mester a perde, tur ta bale la pena. Manera Benjamin Franklin a yega di bisa: "Un inversion den conocimiento, semper ta pagabo cu e miho interes," tabata palabranan di Minister Maduro pa reconoce e esfuerzo haci pa cada estudiante pa logra nan meta.

"E dia di awe, no solamente nos ta felicita boso nan, pero nos ta celebra cu boso, pasobra boso no ta solamente ta studiantenan di contabilidad, finansa y mercadeo, pero arkitektanan di futuro, e lidernan di mañan, e portadonan di speransa, encarnacion di progreso y precedornan di un mañan mas briyante. Brasa e futuro y corda cu esaki ta e comienso. Boso ta e creadornan di boso mes destino. Soña den grandi, aspira halto y traha duro y sigui haci nos tur orguyoso di boso. E ta un biahe cu ta spera boso y mi ta emociona di mira unda e ta hiba boso. Corda cu Collin Powell a yega di bisa: "Un soño no ta bira realidad pa medio di arte di magia, pero e ta exigi sudor, determinacion y



trabao duro". Aruba mester di boso y ta conta cu boso. Awe nos no ta celebra un final, sino nos ta anima boso pa un comienso emocionante. Sigui haci nos orguyoso. Masha pabien na cada un di boso, na boso docentenan y famia y hopi exito den boso estudio," tabata e palabranan cu cual Minister Maduro kier a inspira, motiva y felicita tur hoben cu a finalisa nan promer aña na FEF exitosamente.

Continuacion POTRETNAN DI STUDIANTENAN DI UNIVERSIDAD DI ARUBA....





MINISTER ENDY CROES A REUNI CU SRA. MARISKA DANIA



Recientemente, Minister di Enseñansa y Deporte Endy Croes a reuni cu Sra. Mariska Dania, kende ta presidente di Stichting Voortgezet Aruba (SVOA) y miembro di directiva di Stichting Educacion Profesional Basico (S.E.P.B.). Durante e reunion a trata diferente punto, entre otro, e cantidad di alumno cu ta bayendo Colegio Arubano y E.P.B.

Alabes, a haci un peticion na Sra. Dania pa hunto busca un solucion pa e alumnonan di E.P.B. cu pa un of otro motibo no a haya cupo. A dialoga tocante aña escolar 2022-2023, cual tabata un aña fructifero.

SINTONISA CONFERENCIA DI PRENSA DI GOBIERNO DI ARUBA

Gabinete Wever-Croes

Tur dialuna y diahuebs | 10:00 am

EHECUTIVONAN DI FIFA DI BISHITA NA ARUBA A HACI UN "SITE VISIT" NA GPT STADION DAKOTA

Diamars mainta, Minister Endy Croes a ricibi e ehecutivonan di FIFA Sr. Jair Bertoni, Sr. Jordan Victoire, Sr. Herve Blanchard y Sr. Alejandro Calvente, kendenan a bishita Compleho Deportivo Guillermo Prospero Trinidad na Dakota pa mira e desaroyonan di e renobacion. Tambe presente na e ocasion aki tabata Sr. Randolph Lacle y Sr. Hubert Solagnier di AVB. Sr. Jouel Croes hunto cu Bohama a duna splicacion y detaye di tur e trabounan andando. Den e dianan nos dilanti e ehecutivonan di FIFA ta bay tin diferente reunion cu Arubaanse Voetbal Bond (AVB).

E ehecutivonan di FIFA ta hopi satisfecho di con e proyecto ta avansando y ta contento di mira e compromiso cu Gobierno di Aruba tin cu e proyecto y cu di berdad e compromiso aki ta wordo realisa. Loke cu e ehecutivonan di FIFA a mira y ta sinti ta cu dentro di poco lo bay yuda AVB pa desaroya otro terenonan na Aruba, di e clubnan cu ta nan miembro pa asina mehora e facilidadnan di futbol di Aruba. E representantenan di FIFA a duna remarke riba algun ahustacion adicional cu nan ta desea di mira. FIFA ta pone hopi enfasis riba siguridad di e fanaticada y standard internacional. Pa finalisa, Minister Endy Croes a expresa cu e tabata un bon bishita.

E palabranan di elogio di tanto Sr. Bertoni y Sr. Victoire tabata inmenso. Mandatario di Deporte a indica cu lo keda den contacto estrecho cu FIFA y AVB pa e proyectonan di futbol. Aruba lo conta cu hopi sosten di FIFA a traves di AVB. Pronto Aruba por disfruta di un stadion completamente renoba y aproba segun e standardnan internacional.





AMPLIA BO CONOCIMIENTO Y AUMENTA BO OPORTUNIDAD

Inscribi pa sigura bo lugar

Link pa inscribi: <https://www.epearuba.com/cursonan/>

Cursonan lo cuminsa den e siman di 28 di Augustus 2023.

Por tuma contact tambe via Telefon na 582-5662, WhatsApp 699-6992 of pasa libramente na nos oficina situa na Engelandstraat 33.

Cursonan cuminsando 28 augustus



Papiamento 1

Duracion di curso: 13 siman

Orario: 7:00 PM – 9:15 PM

Docente: L. Paris

Suma di registracion: Awg 50,-

Costo di curso: Awg 200,-



Nederlands Beginners 1

Duracion di curso: 13 siman

Orario: 7:00 PM – 9:15 PM

Docente: Debra Boekhoudt & Mariela Maduro

Suma di registracion: Awg 50,-

Costo di curso: Awg 200,-



English Level A1 Beginners

Duracion di curso: 13 siman

Orario: 7:00 PM – 9:15 PM

Docente: E. Filiciana

Suma di registracion: Awg 50,-

Costo di curso: Awg 200,-

Cursonan cuminsando 28 augustus



Supervisory
Management 1

Duracion di curso: 13 siman
Orario: 7:00 PM – 9:15 PM
Docente: E. Mohammed

Suma di registracion: Awg 50,-
Costo di curso: Awg 250,-



Sales & Marketing

Duracion di curso: 13 siman
Orario: 6:30 PM – 9:30 PM
Docente: S. Robert

Suma di registracion: Awg 50,-
Costo di curso: Awg 250,-



Customer Service

Duracion di curso: 13 siman
Orario: 7:00 PM – 9:15 PM
Docente: J.Erasmus

Suma di registracion: Awg 50,-
Costo di curso: Awg 250,-



Inscribi via www.epearuba.com of pasa na oficina situa na Engelandstraat 33, Oranjestad.
Pa mas informacion yama 582-5662

Cursonan cuminsando 28 augustus



Excel Advance

Duracion di curso: 15 siman
Orario: 6:30 PM – 9:30 PM
Docente: E. Ras

Suma di registracion: Awg 50,-
Costo di curso: Awg 250,-



Basiskennis
Boekhouden

Duracion di curso: 15 siman
Orario: 7:00 PM – 9:15 PM
Docente: S. De Cuba

Suma di registracion: Awg 50,-
Costo di curso: Awg 250,-



Computer Beginners

Duracion di curso: 15 siman
Orario: 6:30 PM – 9:30 PM
Docente: M. Danies

Suma di registracion: Awg 50,-
Costo di curso: Awg 250,-



Inscribi via www.epearuba.com of pasa na oficina situa na Engelandstraat 33, Oranjestad.
Pa mas informacion yama 582-5662

GYTHA BOERWINKEL A BISHITA MINISTER THIJSSEN



Recientemente Minister Plenipotenciario mr. Ady Thijsen a haya un bishita di cortesia di Gytha Boerwinkel.

Boerwinkel a topa cu Minister Thijsen den su funcion di “informatiespecialist” pa e comicion di Tweede Kamer pa Asuntonan di Reino y tambe esun di Justicia y Seguridad. A papia riba e trabaonan en general di Tweede Kamer y e rol di e Comicion pa Asuntonan di Reino den esaki. Obviamente Gytha a duna un splicacion di su rol den e comicion pa Asuntonan di Reino.

Den e combersacion entre Boerwinkel y Minister Thijsen a papia riba IPKO, cu ta e reunionnan dos biaha pa aña entre e

parlamententonan di Hulanda, Curaçao, St. Maarten y Aruba. Tambe a toca e tema di “Geschillenregeling”.

Minister Thijsen a gradici Gytha Boerwinkel pa e combersacion ameno, a desea su persona hopi exito den e funcion aki y finalmente a bisa cu ta bunita pa mira nos hendenan ta ocupa funcionnan clave na Hulanda.



CONDECORACION REAL ARUBA 2024



Con pa propone un persona?

Por haci proposicion door
di yena dos formulario.

E formularionan aki ta obtenibel durante
oranan di oficina na balie di Bestuurskantoor na
O'stad y San Nicolas y tur MFA.

Tambe por download e formularionan for di e
website di gobierno: **www.gobierno.aw**

www.overheid.aw

www.government.aw

Ta ricibi
peticionnan pa aña
2024 entrante dia
8 mei 2023

E ultimo dia pa
entrega peticionnan
ta dia **28 juli 2023**

PA MAS INFORMACION POR YAMA OF MANDA E-MAIL:

Sra. F. Perez-Lopez tel: **593-8425**

Sra. I. Nicolaas-Ras tel: **592-2232**

condeco.aruba@gmail.com



Desaroyo y progreso di un pais ta mas
sostinibel, fuerte y lihe ora cu cada
ciudadano di e pais uni den esfuersonan
y contribui cu positivismo na e vision
pa logra cosnan grandi pa futuro.

2023 AÑA DI UNION Y POSITIVISMO! _____